

天宮賜福

卻咱屬上帝的人，上主恩典的翼股就時時遮蓋。

文、圖 | 陳致綸 / 台北南門長老教會青年，師大台文所碩士生

天宮賜福

極其恬靜。

當子時的鐘聲 teh 欲響，我踏著穩定的腳步，經過已經欲歇的地上萬物，閣若牛一樣、卻是規律的喘氣。佇舊曆年的路尾，重新培養的運動習慣，親像作穡人透過汗 kap 全心全意，kap 自然以及掌理萬權的交通，我全款用汗水來摒空家己，佇一工欲煞的時。

過去的一年實在風湧不斷，疫情猶原佇世界猖狂，無有一個所在無受影響。總是咱台灣佇政府得宜的政策以及全國民眾全力配合之下，宛然成做和世界相隔離的桃花源，通自由自在過日。雖然疫病的陰影罩倚原在，佇恩典中無閣搖洩；頭前的路霧霧無明，咱剛強壯膽向前跑走。



佇滿桌的紅色內底，搜揣天宮的祝福。

燦爛未來

「天宮賜福」，不時會看著貼佇門頂的春聯是這四字。天宮就是所謂「上元一品賜福天官」，是傳統內底道教掌管所有神明的，m̄-koh chit-má 已經成做眾神明的指稱；透過貼寫著天宮賜福的春仔，祈求未來一年事事順利。卻咱屬上帝的人，上主恩典的翼股就時時遮蓋。

這個世界那親像是向閣較烏暗混沌的所在行去，總是阮知，佇烏暗的背後是光明燦爛；kiám-chhái 這時咱所面對的困境是過去無法度想像的，也改變久長以來人類所建立的社會面貌，m̄-koh 也因為按呢，咱更加珍惜 chit-má 咱所有的，親像疼，親像 ñg-bāng，親像恩典。

河水的氣味，和風恰月娘天星 teh 引 chhōa, chhōa 我繼續行向夜深人靜的所在。



本文母語聲音QR Code